

سنة لکي در سعادت ایچون مجیدیہ
یکرمی غروش حسابیہ التمش
غروشدر

طشره ایچون پوسته اجرتی اوله رق
اون بش غروش ضم اولتور

نسخه سی ۴۰ پاره در

تذکره محاکمات

آبونه اولمق ایستینلردا اثره عدلیه ده
اداره مخصوصه سنه
ایتملدر

اعلاناتک بهرندن بر مجیدیہ اخذ
ایدیلور

نسخه سی ۴۰ پاره در

مفتحه ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه به متعلقدر

توجیهات

در سعادت تجارت محکمه سی ضبط کتبه سندن رفعتلو
عزیز بکه رتبه ناله توجیه بیورلمشدر .

تبلیغات

زراعت بانک سندن اچمه استقراض ایدوبده وعده
معینه سی ظرفنده ایضای دین ایتیانلرک بر موجب
نظام مزایده ویریلان اموالی اجرا دائره سنجه بری
احاله اولیه و دیگری یوزده بش ضم ایچون غزته ایله
ایکی دفعه اعلان ایدلمکده اولوب انجی مسقرصلر
فضله مصارفه دوچار اولماق اوزره بر قاج مدیونک
اموالی جدول طرزنده یالکیز بر عدد اعلان ورقه سنه
یازیه رق احاله اولیه نک اجرا اولندیغی تاریخندن
اعتباراً بر ماه ظرفنده یوزده بش ضم قبول و بومدت
ختمانده احاله قطعیه سنک اجرا ایدیه چکنک مذکور
ورقه درجیه غزته ایله اعلانی اعلان ورقه سنک
تنظیمه حاجت بر اقیه جفتدن اکا کوره معامله اولنسی
ومعین اولان بش غروش اجرت اعلانیه نک اموالی
اعلان اولنان مستقرصلره تقسیم ایدلمسی موافق حال
ومصلحت کورلدیکی مثللو دوائر رسمیه جه اجرا
قلنان مزایده و مناقصه اعلانیه دخی احاله اولیه
نک احاله قطعیه ایله معاً مدتلری بالتعین درج و اعلان
ایدلمک صورتیه معامله جریان ایتیمکده اولوب اجرا قانونی
ایله اموال غیر منقوله نک فروختی نظامنامه سی احکامه
موافق اولان شو معامله ایسه زراعتک فضله مصارفندن
وقایه سنی تأمین ایدیه جک مواددن بولندیغی بیانیله
بر اعلان ورقه سنه نهایت بش مستقرضک اموال غیر
منقوله سی یازیلوب احاله قطعیه مدتنک دخی درجیه
یالکیز بر دفعه اعلان ایله اکتفا ایدلمسی خصوصک
خداوندکار ولایتی استیناف محکمه سی مدعی عمومیلکنه
تبلیغی حقدنه تجارت و نافع نظارت جلیله سندن وارد
اولان تذکره اوزرینه ، دین ایچون اموال غیر منقوله نک
فروختی نظامنامه سنده مزایده اولنه جق اموالک سائر

مدیونلرک اموالیه برلشدیریلرک جمله سنک بر مزاد
قائم سنه درج و اعلانی جوازینه دایر بر صراحت
بولنماش اولسنه کوره زراعت بانک سنه مدیون اولوبده
ایضای دین ایدیه مدکلرندن طولانی اموالی صاتیله جق
اولان بر قاج نفر مستقرضک مرهوناتک بروجه
اشعار بر قائمه درجیه برلکده اعلانی اساساً جائز
اوله میه جنی کبی صاتیله جق غیر منقولاتک احاله اولیه
واحاله قطعیه سنک بشقه بشقه اوله رق بر دفعه دن
ایکی کره اعلانی نظامنامه مذکورک جمله احکام
صریح سندن بولنغله دوائر رسمیه مناقصانه اصلاً
قیاس قبول ایتیان غیر منقولاتک مزایده سنده احاله
اولیه و قطعیه زمانلرینک تعیینیه بر اعلانیه درجی
وصراحت قانونیه اقتضاسندن اولان احاله قطعیه نک
اخیراً و تکراراً اعلانندن صرف نظر ایدلمسی دخی
سالف الذکر نظامنامه احکامه مخالف اوله جنی
انجمن عدلیه افاده سیله عدلیه نظارت جلیله سندن
نظارت مشار الیهایه جواباً اشعار قلنمشدر .

محاکمات و مقررات

دیار بکر ولایتی مرکز بدایت محکمه سی جزا
دائرة سی رئیس اسبق مجیب افندینک اوراق انفصالیه
ومدافعه نامه سی انجمن انتخاب مأمورین عدلیه جه
لدی التدقیق جواز استیخدا منه قرار ویرلمشدر .

در سعادت استیناف مدعی عمومیلکنه :

ارباب فساددن اولدینی ادعاسیله متهم
اولان علکسان چیچکیان حقدنه اصول محاکمات
جزایه قانوننک اوچیوز یتیمش برنجی ماده سی
موجبجه معامله مقتضیه ایضا و محاکمه غیایه سی
بالاجرا نتیجه سنده مرقومک اسکندریه یه فرار
ایدرك دیگر بر طاقم فساد ایله نشریات
مضرده بولندیغی و ارباب مفسدندن اولدینی

تحقق ایتیمکله قانون جزانک الی سکرنجی ماده
سنک فقره اولاسی حکمنه توفیقاً مؤبداً
قلعه بند ایدلمسنه و او توز برنجی ماده قانونیه
منطوقجه حقوق مدنیه دن اسقاط قلنمسنه
ومقدما اعلان ایدیلان قرارنامه وجهله اموالک
اداره ایتدیرلمسنه محکمه جنایتدن قرار ویرلمش
واصول محاکمات جزایه قانوننک اوچیوز یتیمش
یدنجی و اوچیوز یتیمش سکرنجی و اوچیوز
سکسان برنجی ماده لرلیله مواد سائر سی احکامه
توفیق معامله اولنسی مرجعنه بیلدیرلمش
اولدینندن مذکور اوچیوز یتیمش سکرنجی
ماده نک جمله احکامندن اولدینی اوزره اعلان
کیفیته ابتدار اولندی .

محکمه تمیز حقوق دائره سندن اعطا قلنان

۵ تموز سنه ۳۱۶ تاریخلی اعلامدر :

انقره نک موجود محله سی اهایلسندن شوکت
افندی ایله محله مذکورده ساکن مصطفی افندی
بیننده متحدث دعویاه دائر انقره ولایتی مرکز بدایت
محکمه سی حقوق دائره سندن ۴ تشرین اول سنه ۳۱۵
تاریخی والی بر عددی ایله ویریلان اعلام مومی ایله
شوکت افندی طرفندن تمیز ایدلمکله اعلام مذکور
طرفینک اعتراض وجواب لایحه سیله بالمطالعه تدقیقات
تمیزیه اجرا سنه ابتدار قلندی .

اعلام مذکورک خلاصه مالی: مومی ایله مصطفی
افندی، مدعی علیه شوکت افندی ایله برادری مصطفی
افندی یه پدرلرندن منتقل انقره نک موجود محله سنده
کائن معلوم الحدود بر باب خانیه مومی الیهما بینلرنده
بالرضا تقسیم ایدرك مصطفی افندینک حصه سنه اصابت
ایدن فوقانی ایکی او طه و بر دیوانخانه مع طام و تحتانی
بر او طه و بر مطبخ و بر کیلار مع کورلک و حمام و اون

مترومربنده حولیدن عبارت بولسان نصف خانه بی مدعی مومی الیه شوکت افندیك مجلس عقدده حضور وراثتكم انضمامیه شریکی مومی الیه مصطفی افندیون اشترا وتسلم الیش اولدیغی حالده مذکور نصف خانه مومی الیه شوکت افندی طرفندن فضولی مداخله اولمقد اولدیغندن بحثله مداخله واقعستك منعی طلب ودعوی ومدعی علیه شوکت افندی دخی مذکور خانهك تقسیمینده اساساً رضایی اولدیغی انكار ایله برابر ورتهك متعدد اولمسته منی مجموعتك اجازتی لاحق اولمادخه مذکور خانهك تقسیمیه شخص آخره بیع وتسلیمی صحیح اولمیهجنی وبالغرض تقسیم واقع صحیح اولمیهبله برادری مصطفی افندی نامنه افراز اولنان حصهده كندوستك حق شفعمی اولدیغندن بیع واقعی قبول ایتدیكنی مدافعه درمیان ایتیمی و اخیراً شخص ثالث صقیله داخل دعوی اولان بایع وشريك مومی الیه مصطفی افندیه منازع فیه خانه متوفی پدرلرندن والدیمی وزوجهسی خاتمر ایله كندوسی وبرادری شوکت افندی وهمشیره سی لطیفه خانه انتقال ایدرك بونلردن جدهلریله اوکی والدیههمشیرهلریك مذکور خانهدهكی حصهلری اموالمنقولهدن برطاقم اشبالهرق كندوسیه برادری شوکت افندی به ترك ایتدیكلری وبوصورتله ورته سائرتهك هرری استیفای حق ایدرك برقاق سندهبرو كندولرندن بشقه كمسه لك علاقمی قالدیغی ومذکور خانهك بالاخره بینلرنده رضایله تقسیمیه اجراقدهرق كرك كندوسی وكرك برادری حصهلریه مستقلاً متصرف بولدفلرندن كندو حصهسی دیله دیکنه صامغه حق دركار بولدیغی جهته مدعی مومی الیه مصطفی افندی به ثمن معلوم مقابلنده بیع وتسلم وبوباید برادری مدعی علیه مومی الیه شوکت افندیك حق شفعمی دخی اسقاطالیش اولدیغی بیان واثبا الیمی اوزرینه سبق ایدن محاكمه وتدقیقات ابتداییه نتیجه سنده منازع فیه خانهك بالتراضی مصطفی وشوكت اقدبلره ترك اولتهرق دیکر ورتهك علاقلری قالمادینی ومن بوران بینده مناصفه تقسیم اولدقدنصكره مصطفی افندیك نصف حصهك مدعی مصطفی افندی به بیع اولدیغی وحین بیعه مدعی علیه شوکت افندیك رضایی لاحق اولمیه حق شفعمك ساقط اولدیغی شهود مستمعك شهادتیه ثابت اولمسته منی مداخله واقعك معیه مذکور نصف خانهك مجلهك بیک سكر یوز اون دینجی مادهسی موجبجه مدعی مصطفی افندی به تسلیمه حكمدن واشبو حكم علمیه مستدعی تمیزك لایحه سنده محرر اعتراضاتك باشلوجهسی دعوی واقعك ایتام وصغار وغایه متعلق اولمسته نظراً انشای محاكمه مدعی عمومك حضوریه

مطالعه سنك استفسار واستماعی لازم كلور ایكن بو جهته رعایت اولنامسی واستماع اولنان شهودك افادانده مسابنت بولدیغی حالده شهود مرقومهك قبول شهادتلیرنه قرار ویرلسی وكندوستك مجلس بیعهده حاضر بولتمی بیعه رضا وحق شفعمی اسقاطه دلیل عد ایدلسی یولسز ومخالف اصول وقانون بولتمش اولدیغندن بحثله اعلامك قضی استعاسندن ومدعی علمك لایحه جوابیه سی مدولی دخی غیر وارد اولان اعتراضات مسرودهك ردیه موافق قانون بولنان اعلامك تصدیق طلبندن عبارتدر. ایجابی لدی المذاكره اعلام مذکور مألندن منقهم اولدیغی اوزره منازع فیه خانه بابالردن طرفین متخاصمین ایله دیکر ورتهیه منتقل اولوب ورته میانده صغیر دخی اولدیغی طرفین بعدالاعتراف الحق مصطفی افندی دیکر حصه دارلر حصهلری اموال منقولهدن برطاقم اشبالهرق كندوسیه برادری شوکت افندی به ترك ایتدیكلری وبوصورتله مذکور خانهیه مناصفه مالك اولدفلرندن صكره بینلرنده تقسیم ایلدیكلری ادعا ایتكمده اولمسته نظراً اول امرده دیکر ورتهدن كیرلرك بالذات وصغیرلرك وصدیك مدعی عمومك حضوریه دیکر ورتهك حصهلریك بوصورتله كندو لرینه ترك اولدیغی اثبات ایتدكدنصكره تقسیمیه اثبات ایتك اقتضا ایدر ایكن دیکر ورتهك حصهلریك كندولرینه ترك ایلدیكی اثبات اولقفسزین بالكر تقسیمك ثبوتیه بناء حكم اولتمی یولسز ومغایر قانون اولدیغندن اصول محاكمه حقوقیه قانونك ایکی یوز اوتوز ایكنجی وایکی یوز قرق برنجی مادهلری موجبجه اعلام مذکورك قضیه قانون مزبورك ایکی یوز قرق دردنجی مادهسی احكامنه توفیقاً كیفیتك برنهی قانونی یكدن بالتدقیق اعلامه ربطی ضمیمه محكمه مذکوریه اعاده سنده و درت یوز الی بیجی غروش مصارف تمیزیهك ایلروده حقسز جیقه حق طرفه عائد اولق اوزره اول امرده مستدعی تمیزیهدن استیفا سنده ۵ تموز سنه ۳۱۶ تاریخنده متفقاً قرار ویرلدی.

سلا نیک وادار قوسی خارجنده عملهدن ایلیایی جرح و قتل ایتسندن طولانی جانبته ایتام اولنان یغورنجی یعقوب بن محمدك اون بش سنه مدته كوركه قولسسته دائر سلا نیک ولاتی استیفاف محكمه سی جزا دائره سندن اعطا قلمان اکیبوز قرق ایکی نومرولی اعلام محكمه تمیز جزا دائره سنجیه تصدیق اولتمشدر.

ماریه بنت نیقوله یی قتل ایلدیكی ادعاسندن دولانی جانبته ایتام اولنان قریبه مذکورله طراپو ولد دیمترنك اون بش سنه مدته كوركه قولسسته دائر سلا نیک ولاتی استیفاف محكمه سی جزا دائره سندن اعطا قلمان اکیبوز قرق بدی نومرولی اعلام محكمه تمیز جزا دائره سنجیه تصدیق ایلتمشدر.

آرابه جی محمدی جرح و قتل ایتسندن دولانی جانبته ایتام اولنان کاغذخانه قریبه سنده ساكن بوسنه لی چوبان ویسل بن عبداللهك اون بش سنه مدته كوركه قولسسته دائر درسعادت جنایت محكمه سندن اعطا قلمان ونومرولی اعلام محكمه تمیز جزا دائره سنجیه تصدیق اولتمشدر.

اكریدره قضاسنك لسقوه قریبه سی مختاری قنبر اغایه قتل قصدیله سلاح انداخت ایتسندن دولانی جانبته ایتام اولنان قریبه مذکورله اسلام بن صالحك اوج سنه مدته كوركه قولسسته دائر كوملجنه سنجایی بدایت محكمه سی جزا دائره سندن ویریلان بشیوز الی نومرولی اعلام محكمه تمیز جزا دائره سنجیه تصدیق اولتمشدر.

بقال دیمتری ولد اطاشی طاغه قالدیرهرق فدیة نجات طلب ایلدیكی ادعاسندن دولانی جانبته ایتام اولنان خرسنو ولدورغو وبانچوان دیمتری ولد خرسنو ووانكل ولد پرتنهك اوج سنه مدته كوركه قوللریه دائر سیروز سنجایی بدایت محكمه سی جزا دائره سندن اعطا قلمان اکیبوز الی اوج نومرولی اعلام محكمه تمیز جزا دائره سنجیه تصدیق ایلتمشدر.

۱۰۲ نومرولی نسخه ده مندرج بولنان جنایت محكمه سی اعلامك مابعدی: بونك اوزرینه ایکی قطعه ضابطه عدلیه تقریری و اوج قطعه راپور دخی اوقوتدرلدی. بونلردن ۱۲ اغستوس سنه ۳۱۷ تاریخلی تقریر شهر مذکورك اون ایكنجی بازار کیجه سی معدن محله سنده كاكن كلبه ده

عربه جی كاملك جرح و قتل ایلدیكی والدیمی طرفندن خبر ویرمكه محل مذکورله كیدیلرك اجرا قلمان تحقیقات نتیجه سنده قاتك مذکور کیجه مسافر بولنان شوكت افندی اولوب فرار ایتدیكنك اكلا شلدینی كبی مقتله سیاه صاب وقینی ودملی بریجاق ایله برقین بولدیغی و ۲۷ تموز سنه ۳۱۷ تاریخلی تقریر دخی شهر مذکورك یكری مدینجی کیجه سی ساعت اوج بیجی راده لرنده باغالتیده بولك دره جاده سنده اندریقونك میخانه سنده عشرت ایدرایكن وقوعبولان مازعه ایتاسنده شوكت افندی بیجاقه طاشی جرح ایدوب ورفقی مصطفی ده مذکور بیجایی شوكت افندیك الندن آلوب فرار ایلدیكلریك طاشی طرفندن اخبار وادعا اولدیغی ومرقوم مصطفی النده بیجاق ایله قوشار ایكن در دست ایلدیكی مشعر بولتمش و ۱۴ اغستوس سنه ۳۱۷ تاریخلی راپورده عربه جی كامل معاینه اولدقد یكری بش باشنده قوی التیه وسط القامه اولوب سدمه ایله حصوله كیش باشك ناحیه جیهی صاغ جهتی اوزرنده بر عدد بره وصیریق و اوجی سیوری برآلت قاطعه ایله حصوله كیش صول عظم كتی اوزرنده بر برینه قریب ایكیشر ساتیمترو طولنده عمقلى عظمه قدر اوج عدد منحرف جرحه وصول بازوسی لك اعلامی وجه داخلیمه ایکی ساتیمترو طولنده عمق عضویه قدر دیکر بر عدد جرحه وصدریك صول جهت اوججی مسافه بین الاضلاعی اوزرنده بر بیجی ساتیمترو طولنده عمق عظمه قدر دیکر بر عدد جرحه وصاغ بازوسی جهت اعلامی وجه قدامی اوزرنده اوج ساتیمترو طولنده بر عدد جرحه وینه مذکور بازونك وجه داخلی جهت اعلامی اوزرنده ایکی ساتیمترو طولنده دیکر بر عدد جرحه بولدیغی واشبو جرحه لرك عمقلى عضویه قدر اولدیغی وصاغ فخذی لك اعلامی وجه خارجی اوزرنده درت ساتیمترو طولنده عمق عضویه قدر دیکر بر عدد جرحه وبطنك صول ناحیه مراقبه سی اوزرنده الی ساتیمترو طولنده منحرف عمق جوف بطنه نافذ دیکر بر عدد جرحه كورلمش واشبو جرحه دن ترب ایله معدنك بر قسبی خروج ایتش ومعدنك اوزرنده دخی یادم ساتیمترو طولنده دیکر بر عدد جرحه اولوب كیموس حالنده بولنان ابن غدائی چیقمقده بولتمش ایدوكی و بطنده كی جرحه نافذهدن درون بطنه شریان معدنی تربی ایلسر قطع اولتهرق سیلان دم داخلی وخارجیدن متأثراً وفات ایتدیكی اشعار و ۱۵ اغستوس سنه ۳۱۷ تاریخلی راپورده دخی شوكت افندی معاینه اولدقد برآلت قاطعهك اوجی ایله حصوله كیش صول ساعدی وسط قدامی اوزرنده بر میلمترو طولنده كسب ایتیمه یوز طومش بر عدد جرحه وصول النك سیاه

برنجی برنجی سلامیسی وجه خللی اوزرنده مذکور آلت ایله حاصل ایکی بیجی ساتیمترو طولنده كذا كسب ایتیمه یوز طومش دیکر بر عدد جرحه وصدمه ایله حاصل صاغ دیز مفصلی اوزرنده ایکی عدد صغیر صیریق وصاغ قدامك ایكنجی یارمنی ظهیری اوزرنده صغیر صیریق اولدیغی وشرجی لدی المعاینه فعل شیع اجراسنه دائر علام مشاهده اولتمدیغی ازار قلمش ودیکر ایکی قطعه راپورده طاشی معاینه اولدقد صول كوزی خفین علوی وسفلیسی اوزرنده آلت رصنه ایله حصوله كیش کیر برلر ایله شیش وصول قاشی جهت وحشیسی اوزرنده كذا آلت رصنه ایله حاصل اولش بر عدد جرحه وكره عین متحقق اولدیغی ومذکور جرحه ایله برلر اون ایکی كونده التش غروش اجرت ایله كسب التیام ایتدیكی كوسترلمشدر. مدعی شخصینك ادعایله قرائت اولنان تقریر وراپورلر مندرجاتنه قارشو نه دیه جکی متهم شوكندن صورلدقد كمله بیجاقه بر دفعه اوردیغی وكندی یارمنی دخی ایلشمكه مجروح اولدیغی كبی برلرده كامل ایله اوغراشور ایكن حصوله كلیكینی وطاشی جرح ایتدیكی درمیان ایلدی (مابعدی صكرهیه)

حسن اوغلی دره سنده ابابورکی مختاری غوریك معامله جبر و شدت اجراسیله اچه واشیاسی غضب ایتدیكی ادعایله متهم بولنان مزارجی اسماعیل ومصطفی ومحمد حقنده اجرا قلمان محاكمه نتیجه سنده مرقوموندن اسماعیل ومصطفیانك فعل مذکور جراتلری اخبارات ودلائل وامارات ایله ثابت اولدیغندن مجرمیتلریه وقانون جزاك ایکی یوز یكری برنجی ماده سنده توفیقاً اوجر سنه مدته كوركه قوللریه ودیکر متهم محمدك برآلت محكمه جنایتجه قرار ویرلمشدر.

استمبوط آلتی سرقت ایلدیكی اصولاً ثابت اولان ضدالجی خریساتی ولد آندریا واوستریالی فرانسقو وتسویه جی غره غوار ولد فرانسقو قونك آلتیشر آی حیساریه تبه باشنده زورنال زقاغنده ساكنه النك خانه سنه جبراً كیردیكی اكلا شیلان فرانسه دولتی تبعه سندن قصاب مورسك برهفته حبسنه فرانسه دولتی تبعه سندن هائی اجرای مأموریت حائده ضرب ایدن خاككوی پولیس مأمورلردن احمد افندیك برهفته حبسنه

خسته خانهیه تسلیم اولتمق اوزره كندوسنه تودیع قلمان علی افندیك فرارینه سببیت ویردیكی ثابت اولان پولیس عمر افندیك برهفته حبسنه غلطه ده وویوده جاده سنده قوتدره جیقای ایدن قارلونك دوقتور غوسو پولوسه اطاله لسان ایلدیكی اكلا شلدیغندن برهفته حبسنه بشكطاشده ساكن كاشفك حیل ودسائس اعمالیه درت مجیدیه سی طولاندریغی ثابت اولان حال قره بتهك اوج ماه حبسنه ویرلیرا جزای نقدی آلتسلیه طولاندریر مش اولدیغی درت مجیدیهك دخی بالتحصیل مدعی مرقومه اعطاسنه دائره سادسه تحصیلدارلردن شفیق افندیك اجرای مأموریت حالنده بقال صوانك كسیر ناموسنی موجب سوز سولیدیكی ثابت اولدیغندن برهفته حبسنه كورکی قیوسنده ساكن محمد بن عثمان ایله محمدك یكدیكیری ضرب ایلدیكی ثابت اولدیغندن اوزر کون حبسلرینه برر چراغی قالیشتی بی ضرب ایدن یکشهرده ساكن لاسقاریدن برلیرا آلهرق مضروب اعطاسنه فریده ده قواص باشی زقاغنده ساكن قاپرلك قره بت ایله زوجیه سی بیاتریك اطاله لسان ایلدیكی ثابت اولدیغندن بش کون حبسنه ایلیایی جرح ایلدیكی تحقق ایدن خاككویده ساكن بانچوان دیمترنك برهفته حبسنه خبره جی یقوشنده ساكن ترزی خرملوبی ضرب وتحقیق ایدن یونان دولتی تبعه سندن الی قادیندن ایکی لیرا آلوب مضروب خرملوبیه اعطاسنه زوجیه سی رشیده خانی ضرب وجرح ایدن عارف جاوشدن ایکی آلتون آلهرق مضروبیه اعطاسنه الی بی ضرب وجرح ایدن ابراهیمك اون بش کون حبسنه فیروز اغاده دلی بكك آخورنده یتوت ایدن عثمانك علی نام شخصی جرح ایلدیكی ثابت اولدیغندن درت آی حبسنه وایام معطله اجرتی اولهرق تقدیر ایدیلان اکیبوز غروشك دخی بالتحصیل مجروح مرقومه اعطاسنه امور شهیدری قلبی خلفاسندن محمد افندیك امانه تسلیم ایلدیكی التش بش لیرایی كتم ایله امنیتی سوء استعمال ایلدیكی اصولاً ثابت اولان سرکه جیده روم ایل اوتلی مدیری یانیله نیقولی ولد دیمترنك ایکی آی حبسنه ومبلغ مذکورك بالتحصیل مومی الیه محمد افندی به اعطاسنه وربی اولان اون الی لیرا بر جازیرك دخی جزای نقدی اولهرق مرقوم نیقولیدن آرزوجه تحصیله آلتقجی علقو ولد ایلیانك یجوی ضرب ایلدیكی ثابت اولدیغندن برهفته حبسنه

بکجی حسنه اطاله اسان ایدن قومقوده ساکن
صرمه کش نشان ولد حچاطوردن بر آلتون جزای
نقدی آلمسنه

مضاربہ ایلدکری ثابت اولان ایرانی کریم ایلہ
سقا حسن اغاک برهفته حبسلرینه
خدمتکار سلیمان بن طالی ضرب ایدن احمد
افسیدین بر آلتون آلتوب مضروبہ اعطاسنه
قسطنیک مجروحیتنه سببت و یردیککی ثابت اولان
غاطلده کورجی زقاغنده ساکنه افندارہ نک یکریمی
کون حبسنه

ویرکو تحصیلدارلرندن شا کر افندی نی جرح
ایلدیککی ثابت اولان طویخانده ساکن صندالچی
اسماعیلک بر بچق آئی حبسنه واجرت جراحیه اوله رق
تقدیر ایدیلان درتیوز غروشک بالتحصیل مومی الیه
اعطاسنه

حق دخولی اولمدینی خالده مصطفی نوری افندی نک
خانه سنه کیردیککی ادعا قلنان قاسم پاشاده ساکن ایچی
رشدی افندی نک ایکی کون حبسیله الی بشلک جزای
نقدی آلمسنه

امین جامی قربنده کموش زقاغنده ساکن
صوتیرینک استیوینی جرح ایلدیککی ثابت اولدیغندن
اون بش کون حبسنه

زندان قپوسنده ساکن بقال صاواپی ضرب ایدن
نوشهرلی نیقولاکیدن بر آلتون التهرق مضروبہ
اعطاسنه

ترزی قسطنیک کونقومقوده ساکن قوندیزه جی
آرتینی ضرب ایلدیککی کلاشدیغندن مرقوم قسطنیکدن
بر آلتون التوب مضروبہ اعطاسنه

خلاف تنیه اوزرنده سلاح طاشیدینی ثابت
اولان عثمان لطفیدن بش بشلک جزای نقدی آلمسنه
یکیشهرده ساکن حلواجی حسین اوسته نک
اشیاسنی سرقت ایلدیککی اقراریه ثابت اولان طویخانده
ساکن احمد بن علینک اوچ آئی حبسنه و برسنه ضابطه
نظارتی التنده بولمسنه واشیای مسروقه نک مرقوم
حسین اوسته یه اعاده سنه در سعادت، بک اوغلی واسکدار
بدایت محکمه لری جزا دائره لرجه قرار ویرلمشدر .

مُحَامَلَاتُ نَتَبَاهِيَّة

ملاز کرد قضایی نابی و بدایت محکمه سی رئیس
حافظ اسماعیل حق و مستطق مصطفی و معاونی محمد
صبری افندیلرله مدعی عمومی معاونی وکیل پولیس
قومیسری محمد فوزی افندی نک خلاف اصول و مغایر
قانون معاملاتہ جرأتلری وان وبتلیس ولایتلری

عدلیه مقتشلیکندن اسراقلنان اوراق تحقیقه مؤدا -
سندن اکلاشدیغندن مستطق معاونی مومی الیه محمد
صبری افندی حقنده دخی تعقیبات قانونیه ایفا اولمق
اوزره مومی الیه رئیس و مستطق و مدعی عمومی معاونی
وکیلک محاکمه آلتنه آلتلرینه عدلیه نظارت جلیله سندن
مأذونیت و یریلرک محله تبلیغات لازمه اجرا و رئیس
مومی الیه کیفیت محاکمه سندن طرف عالی مشیختناهی .
یهدہ معلومات اعطا ایدلمشدر .

الْإِلْأَنَاتُ

تجارت بحریه محکمه سنده :

تجارت بحریه محکمه سنجه افلاسنه قرار
ویرلمش اولان دیمتری یاقوبلویه عائد یکی جامع شریف
حولیسندن کی ارضیه ده محفوظ و مهور عبا قاش
وسائر نک بالمزایده فروختی قرارلشدیرلدیغندن شهر
حاکم یکریمی اوچنجی بازار ایرتسی کونی ساعت ایکی
بچقده اشترایه طالب اولنلرک محل مذکورده حاضر
بولنملری اعلان اولنور .

تجارت بحریه محکمه سنجه افلاسنه قرار ویرلمش
اولان روین مغایانه عائد بانچه قپوسنده شیرین خانی
دروندن کی اوطه ده محفوظ و مهور قاش وسائر نک
بالمزایده فروختی قرارلشدیرلدیغندن اشترایه طالب
اولنلرک شهر حاکم یکریمی برنجی جمعه ایرتسی کونی
ساعت ایکی بچقده محل مذکورده حاضر بولنملری
اعلان اولنور .

ایکنجی تجارت محکمه سنده :

صادقه خانی آلتنده برنومرولی مغازده ساکن
ایکنجی محکمه تجارتدن افلاسنه حکم اولنش اولان
اجزا تجارتدن اریستیدی نده لقونک ذمتنده اله جغنی
اثبات ویا موقتاً قبول و قید ایتدیرمش اولان اله جقلو -
لرک قانوننامه تجارتک ۲۱۱ نجی وانی ولی ایدن ماده سی
موجبجه مفلس مرقوم طرفندن تکلیف اولنه جق
قونقورداتونک مذاکره سی ایچون اشوب بیک اوچیز
اون سکز سنه سی تشرین اولنک ایکنجی چهارشنبه
کوننده محکمه مذکورده نک افلاس اوطه سنه کللری
اعلان اولنور .

اعلامات شرعیه اجرا دائره سنده :

متوفی حاجی علی بک ورنه سنک عقتلو خدیجه
خام ایلہ متوفی مصطفی تحسین بک ذمتنده قسمت

عسکریه محکمه سندن اعطا قلنان مقتضا اعلامی
موجبجه الاجقلمری اولان مبالغ معلومه نک تأمین
استیفاسی ضمننده مرهون و فروختی محکوم بولنان
اسکدارده طویخانہ لی اوغلی نام محلده التونی زاده
اسماعیل پاشا محله سنده نشان طاشی جاده سنده واقع
اون ایکی نومرو ایلہ مرقم زمینی عوض فقیه وقفنه
مقاطعه لو مع کوشک برقطعه باغک معین محلده ملک
کوشک ابنیه سیله کرومنک اون الی حصه اعتباریه
سکز سهم حصه شایعه سنک اشوب تاریخ اعلاندن
اعتباراً اون بش کون صکره فروخته تشبث اولنه -
جغندن طالب اولنلرک پی سورمک و بوندن دهازایده
معلومات آلتی استیالرک مدت مذکورہ ختامندن
صکره اعلامات شرعیه اجرا دائره سنه مراجعت
ایلملری اعلان اولنور .

بک اوغلی بدایت محکمه سی اجرا دائره سنده :

حاجی حق افندی نک مصطفی صبری افندی یه
محکوم به دینی اولان معلوم المقدار مبالغ نک تأمین
استیفاسی ضمننده داین مومی الیه عهده سننده
وفاء مفروغ اولوب فروختی محکوم اولان قاسم پاشاده
سروری محله سنده کزلیجه اولیا تره سی چیقماز
زقاغنده مکرر طقوز نومرولی وقف بر باب خانه سنک
تاریخ اعلاندن اعتباراً اون بش کون صکره بالمزایده
فروخته تشبث اولنه جغنی بک اوغلی بدایت محکمه سی
اجرا مأموریتی جانبندن اعلان اولنور .

سمار قضایی بدایت محکمه سی اجرا دائره سنده :

سماوک تپه جک محله سنده حسوملی اوغلی کریمه سی
شفیقہ نک محله مذکورده مقیم ردیف طابورینک
اوچنجی بلوک ملازمی امین افندی کریمه سی آفت خانمک
بویندن سرقت ایلدیککی حلیاتندنشای بااعلام محکوم
بولنان مبالغ استیفاسیچون جز ایدیلان مزبور نک
کورپی باشنده طرفلری صالح اسماعیل علی عثمان ایلہ
ودکرمان باشنده ابراهیم خلیل ابراهیم قاججی اوغللری
یول طرفلی مع کروم باغ حسوم جوارنده طرفلری
جایجک اوغلی صالح دده وچای ایلہ محدود اوچ
قطعه که جمعاً سکزدونم باغ و ترلاسنک تاریخندن اعتباراً
اون بش کونه قدر مزایده یه قونیلہ جغندن طالب
اولنلرک سماو قضایی بدایت محکمه سی اجرا دائره سنه
مراجعت ایلملری اعلان اولنور .